

靈寶領教濟度金書卷

一百五十一之
一百五十三

道二

靈寶領教濟度金書卷之一百五十一五十二五十三同卷

洞微高士開光救苦真人竊金真授

靈寶通玄弘教水南先生林靈真編

科儀立成品祈禳黃籙齋用

第二日早朝行道儀

道二

步虛燒香頌

各禮師存念如法

衛靈

五星虛映 煥景神庭 包羅無外 合炁羣靈

潛形杳默 周遊五經 揚威耀日 役使甲丁

却災除禍 滌穢消氛 萬魔恐怖 龍虎飛奔
紫雲交覆 萬氣齊并 和與道合 真

鳴法鼓二十四通

發爐

无上三天玄元始三炁太上道君召出臣等
身中三五功曹左右官使者侍香金童傳言
散花玉女五帝直符直日香官各三十二人
出出者嚴裝關啓玄壇天帝神君當召此間
土地里域真官正神急上關啓臣今奉爲入
齋意以今早朝陞壇行道願得

玉清道炁靈寶妙光下降流入臣等身中即
使玄壇清淨內外成真天無氛穢地絕祆塵
琳琅振響十方肅清萬魔不干真誠上徹令
臣所啓之誠速達徑御

太上無極大道至真玉皇上帝

御前

請稱法位

具位奉行黃籙大齋法事小兆臣某與臨壇
官衆等謹同誠上啓

太上無極大道虛无自然元始天尊太上玉
晨大道君金闕後聖玄元老君十方靈寶天

尊高上玉皇十方已得道大聖衆至真諸君
丈人三十二天帝君東華南極西靈北真上
宰上相上保上傳日月星宿北斗南辰周天
真宰十方無極無量品至真大神飛天神王
長生大聖無量度人君妙行真人天真皇人

道二

二

三十六部尊經玄中大法師靈寶玄一經籍
度師侍經五帝王童玉女歲德尊神土地主
執三界應感一切真靈且聞三竒開九室之
書神風混炁八威吐五山之呪聖日融華希
夷佐運於陰陽變化妙凝於丁甲珠聯璧合

騰碧蓋之明輝玉縷金裁藏紫微之秘禁凝
精炁神而宴景參玄元始以開光下教恩隆
上乘道妙臣等天階奏對月陞參班殫螻蟻
之微忱承龍鸞之浩澤凡有投告敢不上聞

宣詞

按如詞言情深懇切臣等羅敷藻簡崇峻芝
壇列葆羽於華門耀霓旌於文陛鳳繒輝奠
龍璧華鋪流蘇飛筍簾之輝雲和縹緲闔綵
舞蘭篝之影煙裊舒徐香風菴藹於清虛寶
霧輪囷於碧落黃旗紫蓋拱虛无祖炁之尊

綠輦丹輿朝妙有靈光之相玉籟聲騰於騫
樹紫霞隱逸於扶桑四炁朗清五靈煥耀扣
首螭頭之座陳情龍尾之班今為齋主某衍
慶消災迎祥度厄來壺天之喜氣集福地之
祥光幽顯相歡天人均慶

道二

三

伏以紫宮隱藹育天上之華林朱實陸離耀
帝鄉之玉樹碧落振空歌之韻黃舉騰逸響
之音以今早朝行道請法衆等運茲初捻上
香

願此香煙騰空徑上供養

元上至真道寶臣等皈身皈神皈命首體投
地仰依

太上三尊願以是功德上祝

皇帝陛下伏願道契三靈功該萬有藹堯雲
於方域舒舜日於圓區碧聳南衡等巍莪之

壽祉翠澄東海齊浩渺之福齡中朝羅杞梓
之英外屏萃圭璋之彥今故燒香自皈依
師尊大聖衆至真之德得道之後保天長存
和與道合真

伏以玄峯丹谷凝神景之雌雄紫戶青房耀

靈光之顯隱超浩劫則不生而不滅妙造化
則無始以無終以今早朝行道請法衆等運
茲二捻上香

願此香煙騰空徑上供養

无上至真經寶臣等皈身皈神皈命首體投

地仰依

太上三尊願以是功德皈流齋主某五炁朝
元萬神總極椿萱不老茂朱顏綠鬢之華蘭
桂齊芳膺紫綬金章之慶飲霞漿而邁逸宴
雲液以酣和門闌襲喜炁之多庭戶藹佳聲

之盛今故燒香自皈依

師尊大聖衆至真之德得道之後身入無形
和與道合真

伏以豁落七元御神虎金真之武流鈴五鎮
挹雲龍玉策之威廓九軌之魔靈斥六天之

道二

四

故炁以今早朝行道請法衆等運茲三捻上
香

願此香煙騰空徑上供養

无上至真師寶臣等皈身皈神皈命首體投
地仰依

太上三尊願以是功德皈流普天率土塞外
寰中四民三軍百昌庶品並願陽春播德陰
霧收塵揄關宵息於烽狼麥隴晝開於繭犢
五風十雨開天時玉燭之和九穀八蠶闢地
利金穰之瑞萬姓相歡於絃誦四民克紹於
箕裘今故燒香自皈依
師尊大聖衆至真之德得道之後升入無形
和與道合真

禮方

懺方

三啓頌

樂法以為妻

愛經如珠玉

持戒制六情

念道遣所欲

淡泊正氣停

蕭然神靜默

天魔並敬護

世世享大福

又

鬱鬱家國盛

濟濟經道興

天人同其願

道二

縹緲入大乘

因心立福田

五

靡靡法輪外

七祖生天堂

我身白日騰

又

大道洞玄虛

有念無不契

鍊質入仙真

遂成金剛體

超度三界難

地獄五苦解

悉歸太上經

靜念稽首禮

大道師三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某謹重誠上啓

太上无極大道元始天尊太上大道君太上
老君高上玉皇十方已得道大聖衆至真諸
君丈人大帝天帝三十六部尊經玄中大法
師三界官屬一切真靈臣聞福集今生慶緣
先劫荷帝真之密覆感師寶之相携肘步膝
行膺鳳象龍章之秘耳提面命通鸞圖虬牋
之玄盍鍊景於雲扃宜依光於霞岫混三入
妙存九通玄期超黃混之塵疾策青冥之駕
乘非履過乃涉跡於氛葩走俗抗塵莫奮身
於埃壒曲承提獎尚道謹呵忍彫似箭之烏

華誓暢如川之鴻澤承符宣德領教度人今
齋主某切切撫膺拳拳勵志仰虛無之珠座
觀妙有之金容九厄三災願水清於門戶千
祥百順期雲集於家庭尚慮生後生前劫終
劫始有客塵之雜穢積垢深之紛紜上逆天

道二

六

文下違地理陽干人紀陰忤神靈或九祖七
玄有勾連之注訟或三生四負有執對之仇
冤未消惡障之滋恐致業功之累匪干帝力
曷副民情願弘鶴赦之羅敷俯察蟻衷之激
切普告三界嘯命十華玉簡關盟遵修齋之

玄範金真演教宣懺罪之洪科蠲黑簿之愆
名紀青編之福字景星輝映撓捨無撓於命
身福曜高明慧孛不干其運限百關融暢五
炁周流綠鬢凝華映翠竹碧梧之景朱顏潤
彩聳蒼松紫柏之齡無一事之縈懷有千祥
之齎履鼎新革故熙熙融筦簞之春否去泰
來湛湛映簾櫳之晝公私清吉中外和寧蒙
如丹禱之私允拜玄恩之造上願乾坤澄奠
日月輝華山澤輸玲要荒八頁四鄙化絃歌
之盛八遐昭文軌之同雨沐風披荷犁鋤而

滋地利雲飛川泳逃網罟而樂天和井閭無
鷄犬之驚邊塞息貔貅之集則上明
天尊大慈之化下副臣等皈命之誠謹啓以

聞

發願

道二

一願乾坤明素

二願氣象清玄

七

三願聖人萬壽

四願化洽八埏

五願天垂甘露

六願地發祥煙

七願四時應候

八願萬物生全

九願家多孝悌

十願國富才賢

十一願齋功廣被

十二願善瑞日臻

復爐

香官使者左右龍虎君侍香諸靈官當令臣
早朝陞壇行道之所自然生金液丹碧芝英
百靈衆真交會在此香火爐前令臣學道得
道求仙得仙齋主受福幽顯沾恩十方仙童
玉女侍衛蘭煙傳臣向來所啓之誠速達徑

御

太上无極大道至真玉皇上帝

御前

出堂頌

靈寶領教濟度金書卷之一百五十一

太上洞玄靈寶大經元皇上帝



